

新刻石室先生丹淵集卷第十五

宋尚書司封員外郎充秘閣校理新知湖州軍州
事兼管內勸農事工輕車都尉文同等

詩六十三首

將赴洋州書果谷舊隱

晚客無一來獨步入東谷園林已成就此景頗不俗
落落巖畔松脩脩澗邊竹爽氣逼襟袖清如新出浴
寒泉激亂石磊磊漱瓊玉荒溪漬餘潤蒲地苔蘚綠
珍禽靜相倚毛羽華且緜高下相和鳴不去若馴伏
幽花雜紅紫點滴亂盈目坐久微風來時聞散餘馥

往年讀書處宛爾舊茅屋雖然小破壞脩整可數木
開門拂軒窻無限起蝙蝠縱橫列蟲網不免自掃撲
壁間細書字多是親寫錄當時苦謀身如此用意毒
于今三十年才抵羊解熟一從入仕路行步每踖踖
所畏惟簡書其甘者藜藿中間何大幸致身在天祿
無狀陪俊游俛首常自惡連章乞外補得郡悉鄉曲
雖名二千石敢自諱碌碌朝廷設新法布作天下福
或慮多垢玩訓戒稍嚴肅刺史當是時能不為驅督
行之以中道勉副議者欲刺薄素所憎忍復用刑獄
進身豈不預實懼有陰戮昨從漢中歸於此度炎燠

親朋日相會分義愈敦篤便欲從之游投簪解朝服
退自數年計伏臘殊未足還當武康去就養若雞鶩
貧雖士之常於我何迫覺簞瓢若自具尚可繼前躅
柰何食口衆不比回也獨東方千餘騎尊從催我速
行復登長途貌展心甚縮淵明豈俗士幸此有松菊

崔覲詩 大中時人

崔覲者高士梁州城固人讀書不求官但與耕稼親
夫孀既已老左右無子孫一日召奴婢盡以田宅均
俾之各為業不用來相聞遂去隱南山雜跡麋鹿群
約曰或過汝所給為我陳有時攜其妻來至諸人門

乃與具酒食嘯詠相歡欣山南鄭餘慶辟之為參軍
見趣使就職漫不知吏文已復許謝事但謂長者云
補闕王直方本覲之比鄴文宗時上書召見蒙咨詢
薦覲有高行用可追至淳詔授起居郎哀斜走蒲輪
辭疾不肯至高風槩秋旻我昨過其縣裴面想芳塵
訪問諸故老寔無祠與墳斯人久不競薄夫何由敦
此縣漢唐時諸公揚清芬刻詩子堅廟來者期不泯

寄題閬州開元寺澤師竹軒

澤師種竹三十年竹成滿院生綠煙蒼龍子孫太繁
盛分領眷屬來渭川藏風番雨蔭殿壁不敢輒近寒

森然香飛常入佛座上葉落不到經窻前芟除掃掠
淨如洗欄外不許行狂鞭澤師瘦健如老鶴壞衲幾
尺披左肩手持數珠讀梵夾狀貌兀若壘與鑄朝旋
暮繞在其下不肯出院求齋錢古人亦有愛竹者豈
得似師心意專我亦平生苦如此兼解略把筆墨傳
逢師正謂同所好但恨尚有區中緣何時相對月明
下坐徹清影談幽禪

寄題密州蘇學士快哉亭太史云此城之西
壯送客處也

出城送客客未來主人到此先徘徊地臨濰水極清

曠每爲送客雙眼開客來既坐歌管作紅袖勸酒無
停盃主人自醒客已醉門外落日驪駒催揖客上馬
退岸幘未忍便擁千騎回滿襟高興屬軒檻野闊風
長真快哉

獨遊

孤亭入陰森竹逕北松塢高林動清吹猶滴前夕雨
解衣此危坐左右一不許性本不柰雜况復茲寡侶
孤懷託寥曠世慮絕參伍幽花爲誰笑獨鳥只自語
身閑得天全一息了萬古忽往而忽來其誰知踽踽

夏日湖亭試筆

亭臺清涼水竹淨愛此來避蚊與蠅蓮菴窺人類楚
女野鳥彈舌如胡僧旋來開卷坐松蔭却把釣竿訟
石稜二年何幸爾足樂慙報上恩無所能

楊山人草堂

九隴山人文父後心閑身健兩誰如玉函經外傳奇
訣盡戟門前創隱居入鼎靈丹黃似橘隔墻凡境臭
如帟何時再到高栴下倚偏清陰聽道書

詠鳧

雙雙紋羽弄清漪全得天真似爾稀萬頃滄波供口
腹一梁寒日曬毛衣雨歸別島嘔唳語風度前灘翕

呬飛好向中流最深處等閑休要上漁磯

弄珠亭春望

岸柳舞毵毵春醲物象酣煙雲分極浦舟楫聚回潭
上水魚千萬眠沙鴈兩三遙懷無可柰長是寄城南

新晴望北山

西風吹北山晚日曬新雨嵐光發巖岫草木紛可數
翠壁倚萬丈白雲橫一縷待訪餐霞人斯游欲誰與

城南江館

漢江之北涯軒宇頗高爽西南正空闊時此託遐想
誰家有竹石更可悅新賞待學袁愍孫來興欲直往

屬疾梧軒

高梧覆新葉滿院發華滋白日一何永清陰閑自移
暖蟲垂到地晴鳥語多時病肘倚枯几泊然忘所思

北園避熱

繚繞度回塘紆餘轉短墻引筇聊散誕入竹得清涼
正午禽虫淨初晴果木香移床就高處更欲解衣裳

施公潭

盤巖復轉溪磴道入雲微斷巘雙壁立垂泉一劍飛
浮空交彩翠濺遠亂珠璣啼穴飢鼯出翹灘宿鷺歸
寒窻清徹骨晚氣潤沾衣東谷牛羊下搖鞭去夕暉

罷郡

自問爾何事端然信方策本是鉏犁人強為簪組客
何嘗補萬分徒自勞七尺還如裴昭明罷郡歸無宅

送文鑄師游襄陽鹿門

師今鹿門去正此冒炎曦野店乞晨饌亂山吟古詩
問程行筇日覽景立多時我有懷賢意憑看墮淚碑

夏日南園

陰陰喬木下翠影若雲浮滿地紫桑椹數枝黃栗留
迎風湖上去避日竹間遊定作今宵雨繞墻啼曉鳩
北樓晚晴望秦嶺

秦嶺巉巖列萬峰晚嵐渾欲滴晴空如何學得崔重
易吟嘯終南明月中

柳枝

墻宇周回院落深日光風色淨陰陰柔條一似孫荆
玉帖地反腰銜寶簪

送王存之

野水冰生薄似綿短亭梅發大於錢想君歸到江陽
日欲話今時已去年

放言

禪海之外既爾知自問何苦安喧卑胡不往見蒙叡

士看卷龜殼會合螭

寄褒城宰

灩灩清波瀉石門茂林高巘夾煙昏何當盡舫載明月共醉江心白玉盆

物五斗詩潤漚可愛故云江中
有大白石穴殼然如盆可撼

贈竹 篔簹谷

我昔初來見爾時禿稍樂菜病襤褸遮根護筍令成立好在清風十萬枝

竹答

我實仙陂百世孫二年生長感君恩近聞官滿將歸去更望臨時莫洗園

守居園池雜題三十首

湖橋

飛橋架橫湖偃若長虹臥自問一日中往來凡幾過

橫湖

長湖直東西漾漾承守寢一望見荷蒼天機織雲錦

書軒

清泉繞庭除綠篠映軒檻坐此何可為惟宜弄鉛槧

水池

日暮池已冰翩翩下鳧鷖不怕池中寒便於水上宿

竹塢

文石間蒼苔相引入深塢莫撼青琅玕無時露如雨
函齋軒

朝陽媚秋漪菡萏隔深竹誰開翠錦障無限點銀燭
茶蘼洞

柔條綴繁英擁架若深洞是處欲清香憑風為持送
篔簹谷

千輿翠羽蓋萬綺綠沈槍定有葛陂種不知何處藏
金橙逕

金橙實佳果不為土人重上莞聞未多誰能為移種
荻浦

飛泉山詩

枯荻饒霜風暮寒聲索索無限有微禽捉之宿如客
蓼嶼

孤嶼紅蓼涇清波照寒影時有霞鷺鷥飛來作佳景
望雲樓

巴山樓之由秦嶺樓之非樓上捲簾時滿樓雲一色
待日臺

城端築層宮木杪轉深路常此候明月上到天心去
二樹榭

爰山孰云起野漢水亦非動二見因妄生仁智何常用
天階亭

北岸亭館最先登此臺臺高望群峰萬里雲崔嵬
吏隱亭

竹籬如雞一似茅屋顛蝸殼靜几默如禪往來人不覺
霜竹均亭

危亭入幽深正在脩篁裏坐久寒逼人暫來須索起
瀟水亭

逕源分瀟水袞袞出亭下橫湖能許深日夜見頃瀉
無言亭

誰此設嬾床頗稱我衰墮公事凡少休須來默然坐
露石百亭

宿露蒙曉蒼婀娜清香發隨風入懷袖累日不消歇
涵虛亭

石磴抱城回入竹見虛檻前望佳景多倚筇聊此暫
溪光亭

橫湖決餘波灑灑瀉寒溜日影上高林清光動牕牖
過溪亭

小白過清溪有亭繞四柱地僻少人行翩翩下鷗鷺
禊亭

懸流効曲水已上娛嘉賓飲罷已陳迹邨復山陰人
南園

農桑乘曉日凌亂如碧油紫棋熟未熟但聞黃粟留
壯園

春風有多少盡入使君家當與郡人樂滿園桃李春
寒蘆港

落月照冰湖曉氣何太爽兩岸雪煙昏鳧出深港
野人廬

蕭條野人廬籬巷雜蓬蒿每一過衡門歸心為之起
披錦亭

繁紅層若雲密綠疊如浪青帝下尋春滿園開步障
此君庵

叢筠裏園欄淨影碧如水誰識愛君心過橋先到此
湖上衆禽盡以俗呼為題 五首

淘河
群魚見新晴萬鬣戲清泚忽爾下淘河驚回入水底

連點七
翩翩彼珍禽金羽耀寒日飛落灘上水對人連點七

拖白練
盤石坐深林不欲人求見隔岸誰品絃數聲拖白練

泥滑滑
春日正晴明滿園花盛發勸爾竹木雞莫啼泥滑滑

提葫蘆

蒼開已堪摘酒熟正好沽山禽會人意勸我提葫蘆
詠蓮

全紅開似鏡半綠卷如盃誰為回風力清香滿面來
題友人書齋新壁

彩摑縱橫設雕厨次第開須防何法盛直入此中來
張淨琬

飄騎極豪侈後房多艷姬可憐張淨琬不識半酣時
待雪

向晚欲雪天氣陰木葉亂飛雜歸禽城頭徙倚待飄

灑東作萬里皆雲林

新刻石室先生丹淵集卷第十六

文同著

詩四十七首

送提刑司勳

同昔分符守興元公始杖節來武信因而出入在門
下未有三日不親近臺移希踈獄讞少凜凜清風滿
墻仞乘閑每許陪後乘好寺名園遍遊盡惟攜茶具
賞幽絕新勝珍團會不吝或因議事閱書盡止用小
肴并淺醞清歡雅興自無厭妓樂喧煩誰願進開張
骨懷脫羈檢顏色何嘗形喜愠使威歛霽官况樂幣

過二年如一瞬後同先滿去涪上數月復來爲屬郡
再將厚蔭蒙舊物掩蔽不才寬責問同常自念性偏
僻凡取交遊最精慎雖然衆中事汎愛仁者與親餘
不_不生_不平所得無幾人既已得之心自信公家兄弟何
磊落一一光華如美瑾顧同質狀似頑石輒造其間
襲溫潤令昆強季沒已久公獨康莊馳馭駿朝廷要
人辨繁劇昨下詔書催入覲連城衆口惜公去不問
鯢鮐與鬻亂煙開漢沔曉光薄雪下褒斜寒力峻嗟
同不得送行旆回視腰間錦雙印蘆城西非有危樓
徒望高鴻寄長韻

翡翠

清晨有珍禽翩翩下魚梁其形不盈握毛羽鮮且光
天人裁碧霞爲爾縫衣裳晶熒炫我目非世之青黃
愛之坐良久常恐瞥爾翔忽然投清漪得食如針鋒
如是者三四厭飫已一航既飽且自嬉翻身度回塘
飛鳴逐佳匹相和音琅琅是時鳧與鴈狼藉島嶼旁
滿腹醲腥穢紛紛曬晴陽鶯鶯最麤惡觜大脚脰長
入水捕虵蟬淤泥亦啣將想其見爾時一喙亦爾傷
其心肯謂爾被體疑華章勸爾慎所止好醜誰同鄉
清溪多纖鮮亦足克爾腸江海深且闊所獲未可量

爾當事深刷帝園參鸞鳳

平阿馬上依韻和圖南已下共五首

江山相引轉平臯滿馬詩情擁敝袍鳴鶴不知誰使
怨飛鳶何謂爾能高崑頭亂木森如戟澗下繁雲涌
似濤才到郵亭便沈思向來佳景待吾曹

過朝天嶺

雙壁相參萬木深馬前猿鳥亦難尋雲容杳杳斷鴻
意風色蕭蕭竹客心山若畫屏隨峽勢水如衣帶轉
巖陰生平來往成何事且倚鈎欄擁鼻吟

晚泊金牛

一襟初覺晚霜清短鞵垂頭任馬行斜日歛回疎木
影急風收斷落泉聲望窳好景番番別題徧新詩闕
闕精終是教人伏潘令許多才調賦西征

金牛相別呈誠之

出則相與望橫參露浥燥頭冷逼簷驛在金堆隨澗
遠踞經銅冶入煙深過橋住馬應回首上嶺聞猿想
動心勝事莫過文酒樂此時消得各沉吟

大桃途次見菊

英英寒菊犯清霜來伴山中草木黃不趁盛時隨衆
卉自甘深處作孤芳其他爛熳非真色惟此氤氳是

正香却念白衣誰送酒滿籬高興憶吾鄉

弄珠亭下柳

江柳早春前濛濛弄紫煙未容長作帶已見亂飛綿
遠外分晴島深中薄暮舡惟應漢水色柰爾一年年

弄珠亭春日閑望

弄珠亭上客來想弄珠人野草迷晴岸垂楊暗晚津
天涯羈旅地村落寂寥春何處嗚然叟扁舟下釣綸

寄子駿運使時按西鄉

西鄉巴嶺下嶮道入孱顏使騎到荒驛野禽啼亂山
問民青甯裏訪古白雲間幾日南路新詩滿軸還

寄景孺提刑

江由品嶮地萬木與雲齊弭節山中宿思歸夜半啼
麝香沾野草虎跡滑春泥到此須憑酒何人手可攜

公館

公館晝沈沈煙雲晚作陰琴軒冰泓淨書閣火爐深
默坐自有得閑行誰可尋還應上高閣看雪一千岑

襄晚

襄晚得洋川勞生只自憐文移供盡日心力付流年
咄咄空書字便便聲晝眠其如昏嫁在了即賦歸田

欲雪

山城蔽層陰晚照空外滅天低雲氣暖此意欲作雪
歸鷓煙慘澹斷鴈風蕭屑樽酒聊自持同誰感時節

晴山

東非橫群峰新過夜來雨扶空立屏障浩翠小禹古
豈無短齒屐攜手誰我侬欲往殊未能

先生旧集闕

臨漢亭

危亭俯絕岸漢水望天表遥源馮金穴高浪灌朱鳥
紆餘轉荆楚萬里合浩渺誰知嶠塚下悻然如帶小

雪中三章寄景孺提刑

城頭高榭陟嶙峋坐看江郊灑玉塵恨不同來對清

絕擬將佳景待何人

晚雪湖上寄景孺

朔風吹雪滿橫湖衆鳥歸栖日欲晡獨坐土水軒人不
到蒲林如挂暝禽圖

暝禽圖景孺所藏之奇畫也

齋宮

玉龍噴霧碧霏霏鈿枕珠衾照百枝自與侍書人一
處此中全不管岷之

詠柳二首

風外挂簾誇輕甚雨中盤砌柰長何一畝草木緣何
事聽唱驪駒尔最多

其二

綠蛾綠條立春後金蛹抱卷寒食前行人折罷自歎
去更冒長梢留客鞭

郡齋水閣閑書 六言

湖上

湖上雙禽泛泛橋邊細柳垂垂日午亭中無事使君
來此吟詩

獨坐

不報門前賓客已收案上文書獨坐水邊林下宛如
故里閑居

湖橋

湖橋北頰花塢水閣西頭竹村霏霏薄霧紅暖漠漠
輕煙翠昏

推琴

點點新萍帖水濛濛亂絮縈風盡日推琴默坐有人
池上亭中

靜觀

十許紋魚弄水一雙花鴨眠沙靜觀只恐驚去無語
憑欄日斜

亭館

亭館脩脩度日園林寂寂經春且遮新笋誇客莫掃
殘花悶人

流水

四首秦僧絕論一篇楚客離騷讀罷却彈流水先生
此興尤高

報國

報國無忘竭節居官勿用論功莫問誣誣趨樂不煩
咄咄書空

聞道

聞道幸非曲士讀書其作陳人為文自怪逆俗好畫

誰知入神

相如

相如何必稱病請節奚須去官就下其誰不許如愚
是處皆安

彭澤

彭澤先生未去武陵太守常貧上官幸且容已下鬼
依來笑人

憑几

列傳日逢佳士群書時得微言自對古人憑几不煩
俗客登門

衰後

衰後常親藥餌憂來頗憶林泉
句坐謝莊小閣心游
沈約東田

自悟

自悟空王理勝因知辨士
辭窮但了一忘六解休論
四異三同

鷺鷥

避雨竹間點點迎風柳下翻翻
靜依寒蓼如畫獨立
晴沙可憐

蓮子

綠實填房未滿黃茸繞殼方開
為問因誰勸酒一時
齊側金盃

采蓮

岸幘客來橋上濺裙人在湖中
桂揖蘭橈甚處蓮花
荷葉無窮

翡翠

見諸長喙須避得少鮮鱗便飛
為報休來近岸有人
愛汝毛衣

朱槿

含露方矜杏裊搖風旋見離披
湖上先生笑汝朝開

暮落何為

青鶴

常惡靜時鳧鷖不驚飽處鰕魚與吾閑正相似問爾
樂復何如

車軒

平湖靜處朱閣垂柳深中畫樓隱几香煙露濕投竿
衣帶風颺

偶書

犢去食苗莫問烏來攫肉休知物須以信相感事忌
於心有為

北岸

曲榭紅蕖影上圓簷綠篠陰中門外何人會畫故來
寫作屏風

自詠

看畫亭中默坐吟詩岸上微行人謂偷閑太守自呼
竊祿先生

再贈鷺鷥

頸若瓊鉤淺曲散如碧管深翹湖上水禽無數其誰
似汝風標

閑書

逐出堪羞子溥歸來可重淵明試問七松處士何如
五柳先生

第十六卷終

新刻石山先生丹淵集卷第十七

文同著

詩五十二首

往年寄子平

往年記侍歸在京日日訪子來西城雖然對坐兩寂
寞亦有大笑時相轟顧子心力苦未老猶弄故態如
狂生書案盡壁恣掀倒脫帽褫帶隨縱橫誼詼歌詩
詔文字世滿窾不管鄰人驚更呼老卒立臺下使抱短
簫吹月明清歡居此僅數月夜夜放去常三更別來
七年在鄉里已忝三度移雙旌今茲惛惛意思倦加

以點點亦病嬰每思此樂一絕後更不逢人如夜行

臨日新禪師

焦堯祝融峯窳窳懶瓚巖師也西南人嘗居彼巉巉
十年不下山煙雲爛衣衫借問爾何為法咏見愈饒
妄萌將刺然即以惠刃芟既久闢門戶不須更封緘
龍神護水餅鬼物扶經函疊足坐蒼石放身依古杉
一日望劍門歸心瞥如帆過我畫戟前清晨投短街
欣然揖師坐未語已不几再勘自不破誰敢分酸醎
大朴本無痕巧者強削剝師如捉龜拂定不空謫謫

送竇簽判同年

冰霜滿清漢此地送君歸天涯作遠別懷抱殊依依
短亭臨灑水楊柳長條稀道傍有寒梅幽香撲人衣
折以持贈君愛之含春暉酒罷不可留晚鴻隨馬飛

拙詩六韻奉寄興州分判誠之蒲兄

武興山水郡左右有嘉慶仙巖蟬兩殼何賈二佛字
玉一柱神坑孕金礫置穴靈竇洩瓊乳鄭縣乳柱石
窟寺不辨文字古神閑主人好事者乃我詩酒侶安
得陪後乘放蕩此歷觀

依韻和蒲誠之春日即事

輕煙漠漠雨斜斜無事常教放兩衙問客江邊求好

石倩人山裏覓竒花
新蔬宛宛生晴圃
淺溜涓涓出暖沙
入夏盃盤須準備
繞畦親灌邵平瓜

和提刑子功喜雨

時雨已可喜况當春發生
入地如流膏浸灌萬物萌
真宰每自惜纔灑復却晴
常時稍露濕度彙亦已榮
昨宵忽盛下攔宇翻瓶罌
高原與庫陸且可一尺盈
尋觀太陽起紅光吐崢嶸
萬里洗氛濁四顧蒼煙平
群龍悉就野上下羅晨耕
父老荷鋤鍾林間笑相迎
盡言此美澤天意恤下疇
麻麥固已定預見禾黍成
且幸賦輸辦敢望求他贏
次第還與官口復甘別營

願常獲豐稔自覺所取輕
言罷乃散去溝壟紛縱橫
使者有職事其喜誰與并
高齋聽淙淙不寐達五更
豈不省文移賴此一夕傾
天明作浩歌滿絺編和聲

謝夏文州寄金線絨

天地生竒獸朝廷寵近臣
覆鞍須用此投網為何人
梨栗思雖厚雲山夢想頻
煩君遠相惠時為一沾巾
依韻和子駿雪山圖

一甲溪山六幅中其間雪意與雲容
君應記得飛仙下
颺馭亭前此數峰

此樂

吏散收簿書公館如山居歸來換野服携策將烏如
園亭極瀟灑陰森脩竹下拂石坐終日徙倚不知夜
山月照我明林風吹我清口誦太古文往來池上行
露下覺微凜南窓歸就枕心閉神自安達旦得酣寢
亂曰嬾守余何為日日常若斯為言我自爾此樂非
汝知

百舌鳥

衆禽乘春喉吻生滿林無限啼新晴南園花木正繁
盛小小大大皆來鳴藏枝映葉復誰使不肯停住常
嚶嚶就中百舌最無謂滿口學盡群鳥聲自無一語

出於已徒爾嘲啗誇縱橫朝朝泊我高柳上叫破一
窓殘月明幽人穩睡正酣美無計可柰遭爾驚少年
挾彈彼誰者安得為我來五更

莫掃花

莫掃花從教花滿地縱然堆積亦何害留之且重東
君意君不見昨朝枝上正芳菲今日庭前已憔悴中
間得好能幾時用此請君窮物理一榮一謝兩皆空
若了非真本自同但對落英開酒盞每年如此任春
風

詠竹 一字至十字成章

竹竹林寒潔綠湘江濱渭水曲帷幔翠錦戈矛蒼玉
心虛田共衆草節勁踰凡木化龍枝入仙陂呼鳳律鳴
神谷日月城中帔靜苒苒風生笙竽清藪藪林間飲酒
碎影_正石罇石上圍碁輕陰覆局屈大夫逐去徒悅椒
蘭陶先生歸來但尋松菊若論檀藥之操無敵於君
款圖瀟灑灑之姿莫賢於僕

詠石

石石吟云黑陽白岸胚胚山骨骼天地鎔鑄鬼神刻畫
鯤鯢張怒眼虎兕交鬪額敲如溫玉聲清洗似精鋼
色碧蒼_心邊斲爾盡奇品林下礪然無俗格冰霜慘冽

堅操不移塵土昏冥孤標自隔堯斲立見到侍中
冢磊落群居在牛丞相宅昔時大士常命汝曰聽徒
今日襄翁且對君為佳客

深渡

前日寒食在綿州牝丹盛開海棠落今已逾旬過深
渡山桃一枝橫曉閣此_心平川最為早何乃于此才
破萼_北工豈爾用功偏蓋爾所生屋絕壑一年春事
但自了勿較後先嗟寂寞

嘉川

嘉川之西過新棧_危里朱欄繞青壁我行落月尚在

水水影照人襟袖白繁英雜綴脩蔓上綠錦纈帶垂
百尺清香滿馬去未休顙爾春風慰行客

青鳥

青鳥客館之東軒前對長江隔層嶂歎危一徑入林
外竹柵茅簷儼相向愛其生事亦自足牛羊縱橫雞
大放安得與爾號比鄰為作野歌共吹唱

木瓜園

驅馬下高崗吟鞭只自揚溪山過新霽草木發清香
浩蕩來江闊縈紆去棧長春風去歎盡樽酒嘆何嘗

長舉

山色滿西閣到江知幾層峯巒李成似澗谷范寬能
閣外晴煙落深中晚靄凝無由畫奇絕已下更重登

水磴

激水為磴嘉陵民構高穴深良苦辛十里之間凡共
此麥入麵出無虛人彼畊居險所產薄世世食此江
之濱朝廷遣使興水利嗟尔平輪與側輪

長舉駟樓

爽氣浮空紫翠濃隔江無限有奇峰君如要識營丘
畫請看東頭第五重

正月八日峽中新卷

深碧長條淺紫牙
曉叢無數傲霜華
只應耻在江海
後未着葉時先放
荅

贈陶金叟

濯石淋沙不自勞
挾光挑屑甚么麼
世間有客能胙
篋比爾元來得校
多

過青泥

鐵山正月雪交加
款探東風未有涯
纔過清泥春便
好水邊林下見梅
荅

過大散寄子駿

纔過嘉陵心自喜
歸來一夜寫店書
明朝便送曾水

底定有西行雙鯉魚

飛仙石溪

愛此潺湲任濺衣
獨尋幽室坐多時
日斜徒御應相
笑底事教公上馬
遲

籌筆諸峯

君看籌筆驛江邊
翠壁蒼崖起畫煙
正是峽中佳絕
處士人休用作畚
田

柳池贈丁綢

場屋聲名四十年
五車書誤一囊錢
老來山驛為監
吏相對春風但惘
然

偶題

鬢雲雙墮給明珠窄窄羅裙短短襦閑把花枝起新
漾滿調金粉畫文輸

天漢橋

風吹兩岸菰蒲乾日灑一汀息鷺寒夜深霜月照湖
水湏上此橋憑畫欄

望雲樓

南山非嶺遠如層朝雲暮雨濃若烝樓高百尺見萬
里更有喜事湏來登

灑泉亭

竹列蒼戟枝幹稠亭開翠幄窓戶幽下分灑水入渠
口正坐小榻臨清流

此君庵

班班墮籜開新筠粉先璀璨香氣氲我常愛君此默
坐勝見無限尋常人

二樂榭

爰山非來聳峨峨漢水東下流滔滔開軒直可望百
里最愛此榭凌雲高

漫即亭

鑿城為洞深且長公壕開迳閑復荒有亭如許入蒙

密誰比次山稱漫郎

涵虛亭

雲外衆峰簷際橫竹間飛泉窻下鳴
欲往二樂郎歇此骨懷已自如冰清

菡萏亭

日高過竹湖水光風長入座荷花香
交紅映綠滿渠下各有意態隨低昂

篔簹谷

池通一谷波溶溶竹合兩岸煙濛濛
尋幽直去景漸野宛邈不似在塵中

王氏北溪榮州

石龜州北群峰起一去距城無十里
煙嵐秀氣護巖高松菊清香泛溪水
輕裘肥馬正榮耀春蒞秋菘任凋豎
待將底物勒移文谷口濃雲白如紙

雋老水墨

之人勃海後所尚亦瀟灑不承春秋學
乃好水墨畫鷺溪吾鄉里有絹滑如研
君凡絕多筆為我秃數把李堅甫淨居
雜題一十三首并序

堅甫既得請太平宮遂於長安里第營治
亭館為逍遙種種之樂已而作詩十三篇

遠未見寄且使余亦為之余愛其趣尚清
遠因以累句附其所題之末慙非精工聊
以塞命云爾

何事當清世歸來詠考槃近間新住處不似在長安

右靜居

米鹽辭劇務宮觀泮清資自取閑官樂爭教俗客知

右靜叟

將何寫幽意有此古桐聲為問好彈處誰來聽蟬行

右琴室

身閑無可柰惟此度晨昏與客正爭局聞誰休叩門

右棊室

縑緗羅几格無限有奇書想在中間坐渾如覆茶魚

見義山別錄

右書齋

試品齋中畫曾無第二流頑礪與亂篠應挂在當頭

二畫余之筆曰戲及之

右畫齋

日光明照蕩天氣暖氤氳草木徧庭檻清香朝暮聞

右春軒

清飈動蕭瑟翠樾減婆娑却愛夜來月滿窓寒影多

右秋軒

鐵石枝梢勁冰霜節目圓淨搖風苒苒閑映月娟娟

右竹軒

翠羽攢何密青丸綴實繁誰知人與木俱是太清孫

右檜軒

寒溜日涓涓縈紆小檻前不知明月下誰與弄潺湲

右水亭

未老先求退題庵乃自呼有才須進用能保此名無

右退庵

淨屋都葺了餘地蓋斯堂不用栽萱草無憂可得忘

新刻石室先生丹淵集卷第十八

文同著

詩五十六首

晉銘

長安鬻碑者遺我古鼎銘不知其所來有眼實未經
凡百十九字詭怪摹物形縱橫下點画不類子與丁
試考諸傳說其源已冥冥宣王石鼓文氣韻殊飄零
始皇嶧山碑骨節何玲瓏我恐鬼哭時正為此物靈
安得不死神提去詢大庭為我譯其辭讀之駭群聽

秦詔

山流濯幽阮銅篆發古耀我行奉天縣叟以百錢糶
讀之廼二世元年所刻詔謂法度量者盡始皇帝造
辭止曰皇帝久遠君為道乃命斯去疾具述紀其右
文章既精簡字畫亦佳妙亥爾何等人敢作萬世調
其為者非是所累總一廟區區頌微末回首皆可弔
邵兵厭寶玉得此只揮掉漂流落荒壤千載厄潛奧
乃知天宇內事有不可料此物今何為惟助觀者笑

問陳彥升覓古瓦硯

魏主用死力構彼銅雀臺當時臺上瓦百澄為一坯
燒城比堅玉翠甲橫崔嵬西陵既歸後此地日以摧

後歷典午朝群雄力相壓茲臺既已傾此瓦只自堆
歲久岸谷變埋沒深蒿萊初誰得耕人剗之研松煤
其理密且潤端歎真可吟彥深所有者一一皆珍材
自言欲構時經歲無一枚琴紋與錫峯此乃如瓊瑰
前日秘閣下重匣手自開示我者佳絕恰用一樸裁
形模甚古野用可資怪魁歸來作詩乞願致無遲回
謝楊侍讀惠端溪紫石硯

學文二十年語氣殊未成所以文房中四譜无一精
豈不願收貯竊恐好事名自愧中槁然敢假外物榮
前日下秘閣謁公來西城公常顧遇厚待以為墨鄉

延之吐佳論出口無雜聲語次座上物硯有紫石英
云在嶺使得渠常美其評因取手自封見校囑所擊
倉皇奉以拜其喜懷抱盈歸來示家人衆目歡且驚
言並我所有瓦礫而瑤瓊貴價市珍煤風前試寒泓
磨知密理潤點覺浮光清洗濯鑑面莹彈扣牙音鏗
遂剪十襲巾加以重篋盛客來有欲觀稍俗不敢呈
願傳之子孫更重金滿籬作詩敘嘉貺慙比毫毛輕

西岡僦居

出官在秦蜀始末凡十年所治浞公宇靡不完且堅
中堂與挾廊角翼相鈎聯領屬僅十口出處皆安便

冬夏惡風日侵薄曾無緣今年歸中都職事叨磨鈆
未免僦屋住敢謂須華鮮西岡頗幽僻愛此遠市廛
問得王氏居十楹月四千牀榻案几外空處無一椽
匱溷及井竈圻壁皆相連經痺須俛首過隘常側肩
所謂十口者日繞蝸殼旋前時大暑中絕不禁祥延
鬱若鼎釜炊局如狴犴攣走蝸過亂蟻飛蚊劇群蟬
今日幸過之復畏明日然喜見白露節相賀肌肉全
如何下淫雨曉夕常綿綿瓦破椽棟漏柱陷墻垣穿
惟供改席坐豈暇安枕眠中庭止數步深已可載船
盡室徒跣行一趨復一顛京師費耗地居止實重遷

俸料計月入外得無幾錢却思已過分僅免親犁田
自望于古人若地而升天小廬焦生高陋巷顏子賢
引之諭妻孥吾道宜此焉猶勝比鄰者寒突無晨煙

閩鄉值風

烈風吹華陰古槐若長呼高沙起黃磧四望如一鋪
上馬低便回據鞍兀長途日晚過潼關行客亦踈
守吏索姓名沸亂如虫蛆兩目不可開說之使白書
夜至閩鄉縣僮僕相欹歎因定即洗濯泥土捫短鬚
草草具盤飧零落飯與蔬恨無姜少府為膾黃河魚

積雨

京師值積雨浮淖皆滿城况當洶決時左右羅深坑
有客南河居旦夕隄上行病僕挾羸馬十步八九傾
職事有出入長抱落膽驚都人素豪怒小官常見輕
排闥要穩道歛避不敢爭試欲效呵止園目根姓名
徃徃被濺污直落舌與睛歸來事洗濯袍袴分縱橫
仰首問天公春澤當早晴幸有好日月何惜施光明
大熟過散関因計里中友人

六月日正午大暑若沸鑊時行古関道十步九立脚
煙雲灰盡散樹木曬欹落喉鼻喘不接齒舌津屢涸
擔血僮破領鞍汗馬濡膊幽坑困猿狖密菴渴鳥雀

至此因自謂胡為就名壽所利緣底物奔走冒炎惡
塵心日夜迫欲往不能畧因念吾故園左右悉林薄
昔我未第時此有文酒樂長松借高蔭飛瀑與清濯
層崖對僧詠大石引客酌畏景雖赫然無由此流爍
于今只夢想欲往途路邈所效殊未立期歸尚誰約
徒爾發短歌西首謝巖壑

問景遜借梅聖俞詩卷

前日讀子詩快我煩病軀若坐大暑中瓊盃飲琳腴
辭嚴意清絕敢謂人所無子乃不自高尚尔尊聖喻
為我誦佳句實亦郊島徒遂云有家藏兩軸如椽鹿

我方嗜此學常恨失所趨願子少假之使之識夷途
秋居覽景因感所事

閑居閉竅巷拙者誠所宜掩書坐前楹默與天理期
是時新雨收物物含秋姿踈簷正殘日曲几方涼颼
群雀下空堦逐逐顧且隨微蟲出幽隙繞繞行復飛
踈篁挺堅勁不金草木衰叢蘭吐芬芳豈畏霜露知
觀此動與植一一全天資因念物稟生有性各具持
夫人為霸者仁義實所尸胡為智巧役所有日夜隳
不能保其元妄事紛擾為汲汲以就死所耗無纖釐
還本既不完何用冠且衣余因激所遇攬筆成此詩

庶哉學者心讀已而悟茲

彦思示望南山詩因答

余於岐雍間屢走官道上終南百里近不得迂馬訪
徒常飲雙眼引首旦夕望群巒突天起氣勢頗豪王
余名愛山者所見亦無量嵩華最魁傑詩之豈曾讓
至此覺才弱不敢輒名狀世謂秦土強捨是孰為壯
彦思竒偉士雅志同所尚近自山中來滿幅以詩贖
凡是山勝絕鈎眉付心匠驅聯以大語句度實奔放
豁若展圖畫壓締千萬嶂讀之未云徹早自肝膽喪
試欲效其說無迹可依傍坐見山所有已若一携杖

何當俯清渭解帶濯塵袂掉手入巖谷琴樽樂幽曠
浩漭八極大冥心恣飄颺此意殊未諧臨風一悽愴

朝中條

荆山赴太華百萬如走駝蒲尾不相殊前後翻海波
既至擁而蹲仰首爭列羅大華勢愈尊引手欲下摩
中條從此來亦願依魏峨豈知隊伍弱只類馬與羸
奔騰氣力盡群伏飲大河飲已只南望岌然將柰何

寄題威勝軍守居高明榭

石侯守銅鞮暑居念煩愀營基切城角列礎出樹杪
窓橫四野外轉目可俱了長風落霄極萬里吹縹緲

主人白羽扇日日上清臺
琴樽嘯佳侶以樂軍事少
晴煙抹闥闔暮角送禽鳥
語客莫遽歸前林月將皎

仙禽送景遜赴階州監稅

肅肅彼靈羽英英下瑤臺
楊翹俗采暗振響仙籟回
凡鳥只歛避衆人亦驚猜
羅以萬目網離以雙翼摧
十載困塵土一身伏蒿萊
晦色不敢耀藏音豈能哀
饑腸金屑實渴吻瓊漿開
俛首事深刷一飛遊九垓

送呂希彥司門通判河陽

行父須生公相家修潔不類在
紈綺豈惟浩蕩愛古
學實亦縱橫曉時事孟州之民爾
何幸一旦得此賢

半刺定知未幾政清簡日日案頭詩滿紙
河陽花開酒休說太行雲飛樓好倚
若因行縣至盤谷爲訪其間隱君子

送周介之學士通判定州

紫垣之東蕃群宇合四翼天家積圖史
編簡何萬億介之才藝選此地典文墨
縱橫四部內騁驟千古力久爲光祿校
頗倦承明直嘗言石渠樹五見弄春色
前自啓君相得請均外職翩然駕別乘
去矣大河北

又

河北扼虜要定武承其咽分道宿勁兵
望之爲中權

朝廷倚注地擇用須材賢黠儉讐所聞射獵不敢邊
茲馬勢愈重豈謂甲馬然將軍廟堂老御史蓬瀛仙
合謀運潛略勝氣壓古燕惟當陪緩帶壺觴鈴閣前

送柳才簽判蔡州

翩翩河東孫豪遇有祖德二十補楚椽能用口破賊
歸來入京寺不借推挽力驕夸固其宜了不見顏色
題輿蓋本乘入幕乃屈職淮西號劇府君也茲歛翼
朝廷選材吏聞下前日勅奉詔者云誰此章君可塞

送張宗益工部知相州

學術深沉久未施晚登臺省世方知詩章好奏周文

廟字法宜磨魏武碑禁掖便當提大筆名藩猶自擁
高麾應憐共試金坡者答颯渾如鄭鮮之

送王恪司門知絳州

絳守園池天下誇紹述有記詞聲牙蒼官青士左右
樹神君仙人高下花遠水依然尚鈎帶舊門想已無
鞞榻自憐俗狀不能到此去羨君專宴衙

送蒲霖中舍致仕歸閬中

急趨長拜倦勞勞自笑風埃滿綠袍官味十年如水
薄歸心一日共雲高臺釐已悟蝸爭角文彩須知鳳
得毛且喜還家收拾在錦屏山下舊東臯



原件短缺

送劉立之著作歸長安因赴安定知縣

西郊晴霧曉霏霏
回首京塵一拂衣
上國莫嗟為客久
高堂初喜改官歸
洛城氣候花纔動
灞水風光絮恰飛
恨不同遊曲江岸
與將歌酒詆春暉

送張正夫監簿歸漢州

知己非不遇
其如才命違
宦名疑在夢
親祿只徒歸
道路盤危棧
家山指落暉
好將綿竹頌
重拂八關衣

路公門客
奏不出官

新霜

新霜著庭樹
葉下如猛剗
蕭然物容改
有若懼凌挫

砌下丹橘落
墻邊紫榴破
精光竹勁健
沮喪柳怯懦
覽景惜向暮
感時驚忽過
勝事實可樂
閑愁本堪唾
何當共佳客
對此酌香糯

答馬子山節推見寄

會陪參畫從
橐鞬文雅當時
最盛傳
玉桂好風橫
飲簟翠漪
明月漾吟船
石渠金馬
余何者
綠水紅蓮子
尚然好養江
邊鴻漸翼
詔書非
久下菑川

紅樹

萬葉驚風盡
卷收獨餘紅
樹擬禁秋
已疑斷燒
生前嶺更共
殘霞入遠樓
楓岸最深
霜未落
柿園渾變
雨

初休勸君莫上青山道粧點行人分外愁

彥思惠楹棹因謝

秦中物專美楹棹爲嘉菓南枝種府署高樹立婀娜
秋來放新實照日垂萬顆中滋其醴醪外飾素茸裘
彥思摘晨露滿合持贈我復侑以佳句再拜極所荷
珍之不敢盡玩已卽深鎖茲焉遂名產沙苑忽么麼

彥思有北樓見寄之作依韻和答

峩峩守居城上樓最宜登覽群物秋層簷高寒凝翠
嶺米檻直出橫清流煙中島嶼遠歷歷風外巖壑寒
颼颼主人好事客意樂日夕幸此忘幽憂

閑居秋日書事

秋雨晚蕭蕭端居閑寂寥雀鷄爭朽穗蟬病落寒條
雲過茶煙沒風歸硯水搖惟當誑圖史閑日底能消
寄題湖州沈秀才天隱樓

自念久不偶歸老東南州地名水精官家有天隱樓
收捲勢利心欲與汗漫遊出處固以義無爲子光羞
酬仲幾秦州道上見寄

送子入秦處紛紛黃葉間孤舟渡野水疋馬轉遙山
明月每夜望清風何日還新詩慰牢落爲一破愁顏
入谷馬上四首

宛轉入深谷一林還一丘
搖鞭弄新霽把筆韻高秋
翠巘雲長合寒潭煙自浮
因成憶猿鶴聊此爲遲留
其二

亂竹圍清密垂蘿蔭屈盤
晴林風色淡晚水日光寒
樹石因誰好烟雲只自漫
群峯若相待滿眼碧巒岈
其三

北谷氣象佳有景乃天設
峯巒牙虧菽湍瀨相縮結
珍條拂垂袂芳草留去轍
自顧塵滿纓安能住深絕
其四

群山護秦隴轉去轉幽深
嵐氣重壓眼秋光滄徹心
凭鞍吟絕壁解帶坐高林
愛此嵩泉好臨流浣俗襟
將至隴城縣

數日山林間鬼眼復傾耳
煩襟一以換飄若方外士
今朝出谷口已覺俗慮起
可惜身上衣班班遂塵滓
回首林下游何年赤松子

宿雲屏山寺

翠嶺聳雲端巉巉走復蟠
客從塵外入僧向畫中看
月上千崑碧風生萬木寒
平明惜歸去猶待一憑欄
寒食

蜀客寓秦城寒威怯夜生
火床功甚小酒榼力何輕

月外天無色霜中地有聲
王章龍具薄數徹郡樓更
寄彥思時在長安言遊終南

日日望車馬君當何日還
談諧思衮衮篇什愛關關
大道風埃惡長河水雪頑
相招早來此擬欲問南山

寄景遜

別後西城上來須到日
矐目迎秦塞鴈心過隴山雲
寡合無如我高懷少似君
相思只相望徒爾託云云

聽天台處士彈琴

處士得琴要誰師師自然
爲言秋思好因聽夜聲圓
耳出淫哇外心搖寂寞前
廣陵君且止不欲慢商絃

鳴玉亭籌筆之南

層厓高百尺亭卽層崖下
飛泉若環珮萬縷當簷瀉
坐可脫赤熱聽宜徹清夜
亭前樹膚剝爲繫行人馬
思歸鳥左右掩作

峽中足啼鳥酸鄒不可會
其道思歸者雄鳴卽雌對
前壑雲漸起後山月已背
行人畏聞汝一聲一心碎

夜發散關

風吹古關口萬木響如裂
淒涼異鄉客騎馬關下月
板道霜鑿鑿石梁溪咽咽
怪來曉寒重御愛山頭雪

宿山寺

高峯浮雲際古寺高峯上秋來已
灑洒雨後益晴曠
坐隨明月轉吟伴寒蛩響待曉出
松關幽襟謝嘉貺
中秋月二首
隔林灑灑生寒浪倚漢岩岩數亂
峯記得舊山曾此
夕碧崑千尺坐高松

又

望外物容澄似水坐中秋力凜如
刀此身直願乘雙
翼飛上三峯第一高

二里溪濯足

暑氣沉晚樹晴光滿遙川下馬古
道側濯足清溪邊

勝事樂水石幽懷託雲煙還來振
衣起回首徒悵然

稠桑見荆山

萬嶺鬱叢叢盤雲氣勢雄縱橫誰
盡筆屈折自屏風
倒樹出斷外亂雲生掩中無由更
停馬此意恨如蓬

白鶴寺北軒圍碁

祗園隱城角開軒極幽邃日影轉
不到居常抱秋氣
余茲度炎燠一局忘萬事擾擾門
外人誰知此中意

太常致齋閑書寺壁

晚日微明弄雨餘竹陰桐影共蕭
疎旋移小榻中庭
坐讀盡扶桑大帝書

景遜以詩招碁因答

待闕官期遠僑居客思多許時閑日月願與局中磨

初入二里

樹色交山色蟬聲雜水聲客懷殊不倦信馬此間行

又送劉著作


北地戎馬後凋殘今幾年邊民此天幸縣令若君賢
况自儲蓄久定知摩撫全好須圖善政能爲作詩傳
送張樸翁歸盤屋二首

一覺落天夢遂吟招隱詩携家異鄉去變服散人爲
鄒塢雲開後圭牟月上時清秋此高興琴酒間同誰

其二

山曲水曲處其間皆美田夫君別桑梓此地十林泉
壯歲可立事明時方尚賢何當再就詔便忍說終焉

新刻石室先生丹淵集卷第十八終



卷一